



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-02-2-6315/19
Sarajevo, 26.11.2019.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnika Delalić Sabahudina, dostavlja se;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo" Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 14. Radnoj sjednici Skupštine Kantona Sarajevo održanoj dana 30.10.2019. godine postavio zastupnik Delalić Sabahudin.

Prilog:

-Akt Uprave policije broj: 02/2-5-04-1913/19 od 22.11.2019. godine,
-CD;



MINISTAR

Admir Katica

Dostaviti:

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
S a r a j e v o

Broj: 02/2-5-04-1913/19

Datum: 22.11.2019. godine

MINISTARSTVO UNUTRAŠNJIH POSLOVA KANTONA SARAJEVO
- n/r Sekretaru

PREDMET: Zastupničko pitanje Zastupnika Delalić Sabahudina, Odgovor,
d o s t a v l j a s e;

VEZA: Vaš akt broj: 01-7-02-2-6315/19 od 15.11.2019. godine

Zastupnik Sabahudin Delalić je na 14. Radnoj sjednici Skupštine Kantona Sarajevo, održanoj dana 30.10.2019. godine, u okviru tačke Dnevnog reda "poslanička/zastupnička pitanja, inicijative i odgovori" a u skladu sa članovima 211. i 214. Poslovnika Skupštine Kantona Sarajevo postavio **zastupničko pitanje:**

"Zašto se na većini raskrsnica u Kantonu Sarajevo, makar u vrijeme jutarnjih i poslijepodnevni gužvi, ne nalazi saobraćajna policija?"

Odgovor na zastupničko pitanje:

Poštovani,

Kao što vam je poznato poslove kontrole i regulisanja saobraćaja na putevima u Kantonu Sarajevo, vrše ovlaštena službena lica Uprave policije, Ministarstva unutrašnjih poslova Kantona Sarajevo. Pravilnikom o unutrašnjoj organizaciji MUP-a Kantona Sarajevo, Jedinica za saobraćaj je nadležna za regulisanje i kontrolu saobraćaja na području Kantona Sarajevo, neposredno učestvuje u vršenju uviđaja saobraćajnih nezgoda po prekršajnom osnovu, vrši saobraćajano osiguranje i pratnju ličnosti, vanrednih prijevoza, te obavlja sve zakonske radnje u vezi sa problematikom saobraćaja koje su u nadležnosti policije.

U okviru svog djelokruga rada učestvuje u osiguranju javnih okupljanja, drugih manifestacija, osiguranja trasa kretanja i boravka VIP ličnosti na području Kantona Sarajevo, gdje se u većini slučajeva angažuje cjelokupan sastav jedinice.

S ciljem podizanja nivoa sigurnosti svih učesnika u saobraćaju, Jedinica za saobraćaj svakodnevno provodi akcije pojačane kontrole pješaka učesnika u saobraćaju, kontrole kretanja u saobraćaju vozila i vozača: bicikla, motocikla, lakog motocikla, tricikla, lakog četverocikla, četverocikla i mopeda, kontrole tehničke ispravnosti motornih vozila, pojačanu kontrolu putničkih motornih vozila, koja su označena znakom pristupačnosti,

kontrole "Uličnih trkača" i "Višestrukih povratnika" u činjenju najtežih oblika prekršaja sa posebnim akcentom na prekršaje koji se odnose na prekoračenje najveće dozvoljene brzine kretanja motornih vozila, prolaska kroz raskrsnicu na znak uključenog crvenog svijetla, vršenja nedozvoljenih radnji vozilom u saobraćaju, upravljanje motornim vozilom pod dejstvom alkohola, upravljanjem motornim vozilom pod djelovanjem opojnih droga, poduzimaju mjere i aktivnosti na ubrzavanju protoka saobraćaja motornih vozila na dionici magistralnog puta M-18, Bare - Vogošćanska petlja, provode aktivnosti radarske kontrole brzine kretanja motornih vozila, provode mjere saobraćajnog osiguranja ispred O.Š "Vladislav Skarić" u ulici Terezija broj 48, područje Općine Centar, te preduzimaju i planske aktivnosti na kontroli saobraćaja u mirovanju, u cilju rješavanja evidentnog problema saobraćaja u mirovanju na području Kantona Sarajevo, odnosno uklanjanju nepropisno parkiranih motornih vozila.

U skladu sa raspoloživim ljudskim resursima svakodnevno radnim danima u vrijeme jutarnje špice u vremenu od 07,30 do 09,00 sati i u poslijepodnevnom satima u vremenu od 15,30 do 17,30 sati, vrše pokrivanje većih frekventnih raskrsnica na glavnim saobraćajnicama te rade na fizičkoj regulaciji saobraćaja u cilju bržeg protoka vozila u saobraćaju. Na osnovu izvršenih procjena, policijski službenici u jutarnjim terminima vrše pokrivanje raskrsnica ulica Džemala Bijedića - Stup, područje općine Ilidža, raskrsnicu ulica Zmaja od Bosne - Nulta Transferzala, područje općine Novo Sarajevo, raskrsnicu ulica Hiseta- H.Hume, područje općine Centar, i dijela Mag.puta M-18 Vogošćanska petlja, područje općine Vogošća, dok u poslijepodnevnom satima vrše pokrivanje raskrsnica ulica M.Tita - F.A.Zvzdović – Vrbanja, područje općine Centar, raskrsnica ulica Zmaja od Bosne - Nulta Transferzala, Zmaja od Bosne - Hamdije Čemerlića, područje općine Novo Sarajevo, raskrsnicu ulica Džemala Bijedića - Tvornička, područje općine Ilidža i dijela Mag.puta M-18, Vogošćanska petlja, područje općine Vogošća.

Imajući u vidu da se na dionici od Ilidže do Skenderije, nalazi trinaest frekventnih raskrsnica, te procjenama da je mjera fizičkog regulisanja saobraćaja nesprovodiva, zbog pomenutog broja raskrsnica, na kojima bi se ista trebala primjeniti, kako bi se postigao željeni cilj, dužinu perioda fizičke regulacije (više sati tokom dana) i potrebnog broja policijskih službenika, smatramo da bi efikasnije bilo primjeniti mjere tehničke regulacije saobraćaja korekcijom Signalnog plana svjetlosne signalizacije, o čemu smo i uputili prijedlog Ministarstvu saobraćaja Kantona Sarajevo.

S tim u vezi obavještavamo Vas, da će policijski službenici Jedinice za saobraćaj i u narednom periodu u skladu sa prioritetima i raspoloživim ljudskim resursima vršiti pokrivanje frekventnih raskrsnica, u cilju ubrzanja protoka saobraćaja i podizanja stepena sigurnosti svih učesnika u saobraćaju na veći nivo.

POLICIJSKI KOMESAR
Generalni inspektor policije
Muhet Salimović

